

Լ. Ա. Բարսեղյան

ՀԱՅԱԱ-ԱԶԶԻ ՍՈՑԻԱԼ-ՏՆՏԵՍԱԿԱՆ ՀԱՐԱԲԵՐՈՒԹՅՈՒՆՆԵՐԻ ՄԱՍԻՆ

Հայաստ-Ազգիի սոցիալ-տնտեսական պատմությունը գրեթե չի ուսումնասիրված, չհաշված մի շարք արևելագետների թուղցիկ դիտողությունները: Խեթական թագավորներ Սուպպիլուլիումայի (1390—1355) և Մուրսիլ II-ի (1345—1320) դաշնագրում ու տարեգրություններում պահպանված վկայությունները¹ Հայաստ-Ազգիի մասին, որոշ չափով հնարավորություններ են ընձեռում վերականգնելու նրա սոցիալ-տնտեսական պատմության առանձին կողմերը:

Հայաստ-Ազգիի կազմի մեջ էին մտնում շուրջ տասը երկրներ, ցեղային միություններ, որոնք իրենց մեջ էին ընդգրկում բազմաթիվ բնակավայրեր ու ամրություններ: Փաղա՛-եւկընեւի կամ ցեղային միավորումների գլուխ էր կանգնած առաջնորդը կամ թագավորը, որն օժտված էր մեծ իրավունքներով, բայց պատասխանատու էր ավագների խորհրդի տուջև և փաստորեն իրականացնում էր ավելի ունևոր, արդեն հարստություն կուտակած ցեղային ավագանու շահերն ու պահանջները: Խեթական թագավորները հաշվի էին նստում այդ երկրների թագավորների հետ, ցանկանում էին սիրաշահել նրանց, խոստանում էին օգնել և առանձին դեպքում էլ ամուսնական կապերի մեջ էին մտնում նրանց հետ:

Հայկական լեռնաշխարհի հարավ-արևմտյան մասում կազմավորված Ալշե երկիրը² լրջորեն դիմագրավում էր ոչ միայն Միտանիի թագավորությանը այլև խեթերին: Խեթական թագավոր Սուպպիլուլիուման քաղաքական նկատառումներով Իսուվայից³ հարավ ընկած մի քանի երկրներ նվաճելուց հետո նվիրում է Ալշեի թագավոր Անթարաթլիին⁴:

Անթարաթլիին այսպիսի զիջումներ անելը անշուշտ պայմանավորված էր նրա քաղաքական իշխանության և հեղինակության ամրապնդման հետ, որն արդեն հավանաբար անջատվել էր համահավասար, երբեմն նրան իր կամքը թելադրող ցեղային ավագանիից:

Նույնպիսի երևույթ է նկատվում նաև Հայաստյի հյուսիս-արևմտյան հարևանների՝ կասկայցիների մոտ: Մուրսիլ II-ը իր տարեգրության մեջ հիշատակում է, որ կասկայական ցեղային միության առաջնորդ, Տիբիա երկրի

¹ J. Friedrich, Staatsverträge des Hethitischen-Reiches, II, „Mitteilungen der Vorderasiatisch-Aegyptischen Gesellschaft“, 1930, № 34, A. Goetze, Die Annalen des Mursilis, „Mitteilungen der Vorderasiatisch-Aegyptischen Gesellschaft“, 1933, № 38.

² Ալշե երկիրը տեղագրվում է պատմական Հայաստանի Աղձնիք նահանգում, Սասունի լեռների շրջանում:

³ Իսուվա երկիրը տեղագրվում է պատմական Հայաստանի Ծոփր նահանգում:

⁴ E. Weidner, Politische Dokumente aus Boghazköi, Berlin, 1923, էջ 21.

Թագավոր Պիխիսունիան իր երկիրը «կառավարում էր» կասկայցիների սովորություններին անհամապատասխան ձևով՝ Թագավորակերպ (P1-iḫ-ḫu-ni-ia-aš-sa LUGAL-ud-tim i-va-ar), մինչդեռ Կասկա երկրում ընդհանրապես ընդունված չէր մեկ մարդու իշխանությունը: Այլ պատկեր է նկատվում Հայասա-Ազգիում: Այստեղ Թագավորը շնայած խոշոր հարստություն է կուտակել, այնուամենայնիվ, սուվերեն ժառանգական իրավունքից ամբողջովին չի կարողանում օգտվել: Նրա իրավունքները դեռևս սահմանափակվում են ավագանու խորհրդի կողմից: Հայասական Թագավորը այգիների, հողային տարածությունների և ստրուկների տեր էր: Ինչպես Սուպպիլուլիումայի հետ կնքած դաշնագրում էր ասվում, Հայասայի Թագավոր հուկկանան ուներ մեծ հողային հարստություն, ծառաներ և ապաստահիններ⁵: Խեթերի դեմ մղվող պատերազմներում հուկկանան զգալի հաջողությունների էր հասել: Կասկայցիների հետ միասին նա նույնիսկ հարվածի տակ էր դրել խեթական Թագավորության մայրաքաղաք Խաթթուսան: Երկարատև պայքարից հետո խեթական Թագավոր Սուպպիլուլիուման բանակցությունների մեջ մտնելով հուկկանայի հետ, նրան կնության տվեց իր քրոջը: Այսպիսի հանգամանքները անհամեմատ էլ ավելի էին բարձրացնում հուկկանայի հեղինակությունը և նպաստավոր պայմաններ ստեղծում ժառանգական, իշխանապետական իրավունքներ ձեռք բերելու համար: Այս տեսակետից միանգամայն հետաքրքրական է Սուպպիլուլիումայի և հուկկանայի դաշնագրի այն մասը, որտեղ խեթական Թագավորը հանդես է գալիս հետևյալ առաջարկով. «Ուրեմն դու, հուկկանա բարեկամաբար Արեգիս օգնիր, Արեգիս ճանաչիր և ուրիշ որևէ մեկին մի ընդունիր: Նաև ես՝ Արեգս դրանից ելնելով, որպես բարեկամ կաշտպանեմ քեզ, ինչպես նաև որդիներիդ և որդիս էլ որդիներիդ պետք է պաշտպանի»:

Իր քրոջը կնության տալով Հայասայի Թագավորին, Սուպպիլուլիուման ցանկանում է վավերացնել հուկկանայի և նրա որդիների ժառանգական իրավունքները, որի համար էլ խստորեն պահանջում է, որ «Հայասայի մարդիկ» (LUMES KURURU Ha-ia-sa-aš) նույնպես հաշվի առնեն այդ հանգամանքը⁶:

Սուպպիլուլիումայի և հուկկանայի միջև կնքված դաշնագրի առաջին մասը ուղղված է միմիայն Հայասայի Թագավորին, իսկ երկրորդ մասը՝ «Հայասա երկրի մարդկանց» և ոմն Մարիյաի: Դաշնագրի վերջին մասում Մարիյան ու «Հայասա երկրի մարդիկ» ստանձնում են նույն պարտավորությունները, ինչ որ վերցնում էր հուկկանան, իսկ խեթական Թագավորը պարտավորվում էր ապագայում իրեն պաշտպանելու դեպքում պաշտպանել նաև Մարիյան և «Հայասայի մարդկանց»:

Մեր կարծիքով դաշնագրում հիշատակվող Մարիյան հուկկանայի որդին էր, և նրա ժառանգորդը, որին էլ Սուպպիլուլիուման խոստանում էր մշտական օգնություն ցույց տալ, դաշնագրում նրան առանձին տեղ հատկացնելով: Դիմելով Մարիյային, Սուպպիլուլիուման պահանջում է. «...Դու Մարիյա, եթե այս խոսքերը, որոնց համար ձեզ երգվեցնել տվեցի, չհարգեք այս եր-

⁵ E. Forrer, Die Boghaz-koI-texte in Umschrift, Leipzig, 1926, II (հետագայում՝ 2 BoTU), 48, III, § 34.

⁶ J. Friedrich, Staatsverträge, § 32.

⁷ Նույն տեղում, § 31.

⁸ Նույն տեղում, § 42:

դումները թող քո անձը, քո կանանցով, զավակներով, եղբայրներով, արտերով, այգեստաններով ու խոտաններով, արջառներով, ոչխարներով և ունեցած շունեցածով միասին, թող անմիջապես ոչնչացնեն ու սև հողի տակ անեն»⁹:

Ն. Ազոնցը հայասական ցեղային միության գլուխ կանգնած այս առաջնորդին համեմատում է խեթական թագավորի հետ և գտնում է, որ նրանք հավասարազոր կառավարիչներ էին, որոնցից և ոչ մեկին առավելություններ չի կարելի տալ¹⁰:

Հայասական մեկ ուրիշ թագավորի մասին վկայություններ են տալիս խեթական թագավոր Մուրսիլ II-ի տարեգրությունները, որտեղ հաճախակի հիշատակվում է Աննիյան, որպես Ազգի քաղաքի թագավոր (¹An-ni-ia LU-GAL^{URU}Az-zi)¹¹, Ազգի քաղաքի երկրի տեր ([EN KU](R^{URU} Az)[-zi-ma-mu...])¹², Ազգի երկրի տեր (¹An-ni-ia-as EN KUR Az-zi)¹³:

Ազգիի թագավոր Աննիյան մշտական հարձակումներ էր գործում խեթական սահմանների վրա, մեծ թվով զերիներ և անասուններ էր տեղափոխում Հայասա:

Մուրսիլին միայն երեք տարիների պատերազմներից հետո հաջողվեց իրեն ենթարկել հայասացիներին: Եթե Մուրսիլ II-ի դեպի Հայասա-Ազգի կատարած արշավանքների սկզբնական շրջանում, նրա իշխանության յոթից իններորդ տարիներում Հայասայում թագավորում էր Աննիյան, ապա Մուրսիլի տասերորդ արշավանքի ժամանակ, երբ Հայասա-Ազգին վերջնականապես ենթարկվում է խեթերին, խեթական թագավորի հետ Հայասայի կողմից բանակցությունների մեջ է մտնում ոչ թե Աննիյան, այլ մեկ ուրիշը՝ Մութթին, հալիմանա քաղաքից: Մուրսիլի տարեգրության այդ մասում պատմվում է. «Երբ գարունը եկավ, կարգավորելու համար ես գնացի Ազգի քաղաքի երկրի վրա: Բայց հենց որ Ազգի քաղաքի մարդիկ լսեցին, որ Արեզը գալիս է, ապա Ազգի քաղաքի մարդիկ ինձ դիմավորելու համար ուղարկեցին տղամարդու՝ Մութթին: Խալիմանա քաղաքից և ինձ հետևյալը հայտնեցին. «Տեր, ինչպես առաջ էլ դու մեզ ոչնչացրել էիր, ապա մեր տեր, այլևս մի արի, իսկ մեզ, մեր տեր, ծառայության վերցրու»¹⁴:

Ինչպես երևում է Աննիյաի անհաջող ձեռնարկումները խեթերի դեմ հավանաբար վատ էին անդրադարձել ցեղային միության վրա և Հայասայի ավագների միջամտությամբ նա իր տեղը զիջել էր ավագանու մեջ մեծ հեղինակություն վայելող, ինչպես և հարստություն կուտակած մի այլ ցեղային առաջնորդի՝ Մութթին, որը խալիմանա քաղաքի տերն էր: Այսպիսին են ահա խեթական աղբյուրների հաղորդած տեղեկությունները Հայասա-Ազգիի թագավորների ու նրանց գործունեության մասին:

Հայասա-Ազգիում ցեղային միության առաջնորդի կամ թագավորի կողքին գոյություն ունեւր և գործում էր ցեղի ու տոհմի կյանքում մեծ տեղ նվաճած, արտոնություններով և իրավունքներով օժտված ցեղային ավագանին:

⁹ Նույն տեղում, § 15:

¹⁰ N. Adontz, Histoire d'Arménie, Paris, 1946, էջ 32:

¹¹ A. Goetze, Die Annalen des Mursilis, § 33, III, 93.

¹² Նույն տեղում, § 13, IV, 10:

¹³ Նույն տեղում, § 33, IV, 23:

¹⁴ 2BoTU, 58B, IV, § 107.

Ցեղային ավագանուն կամ ավագների խորհրդին էր վերապահված ցեղային միության առաջնորդի ընտրությունների անցկացումը, նրա իրավունքների և գործունեության վերահսկումը, իշխանագուրկ անելը և նոր թեկնածուի առաջադրումը:

Խեթական արձանագրություններում հիշատակվող «Հայասայի մարդիկ» և «երկրի ավագները» (LU^{MES} SU.GI KUR^{TI})¹⁵ ակտիվորեն մասնակցում և միջամտում էին ոչ միայն միության ներքին, այլև արտաքին գործերին: Նրանք կարող էին ազդել պատերազմների ընթացքի վրա, զինադադար կնքել, բանակցությունների մեջ մտնել թշնամու հետ:

Մուրսիլ II-ի արշավանքները, երբ արդեն լուրջ վտանգ էին առաջացրել և սպառնում էին հայասացիներին, ցեղային ավագանին հաշտության առաջարկով բանակցություններ սկսեց խեթական թագավորի հետ:

«Երբ ազդիները տեսան,—պատմում է Մուրսիլ II-ը, որ իրենց բերդաքաղաքները պատրաստվում էմ գրավելու, Ազդիի բնակիչները, որ թաքնվել էին բարձր ու ժայռոտ լանջերում, սարսափի մատնվեցին: Այդ երկրի ավագները ինձ ընդառաջ գալով ոտքերս ընկան ու ասացին. «Տեր, մեզ մի ոչնչացրու: Տեր, մենք քեզ կհպատակվենք և այսուհետև մեր տիրոջը կանոնավոր կերպով գործ ու հեծելագոր կտանք»¹⁶:

Հայասական ցեղային ավագանուն ղուգահեռ մի ինստիտուտ կարելի է գտնել խեթերի մոտ, որտեղ այդպիսի երևույթ նկատվում էր հին թագավորության շրջանում (18—16-րդ դդ. մ. թ. ա.), երբ դեռևս խեթական հասարակությունը ստրկատիրական չէր և սոցիալական շերտավորումը չէր խորացել: Խեթական թագավոր Տելեպինի ժամանակ (17-րդ դ.) թագավորին կից գործում էր ժողովը կամ ավագանու խորհուրդը՝ panku-ն, առանց որի հետ հաշվի նստելու, թագավորը չէր կարող որևէ խոշոր միջոցառումներ ձեռնարկել¹⁷:

Panku-ի գործունեությունը բնորոշ է խեթական թագավորության միայն հին շրջանին, երբ դեռևս թագավորը ինքնուրույնություն հանդես բերելու լայն հնարավորություն չուներ¹⁸:

Խեթական panku-ի մեջ հիմնականում մտնում էին «հզոր մարդիկ»¹⁹, Ըստ Տելեպինի արձանագրությունների, panku-ին իրավունք էր վերապահվում դատել պաշտոնյաներին և նշանավոր մարդկանց, հեռացնել նրանց գրաված պաշտոններից, կատարել նաև պաշտամունքային արարողությունները ղեկավարող օրգանի պարտականությունները:

Խաթթուսիլ I թագավորի երկրեզվյան արձանագրության մեջ, որտեղ խոսվում է ապագա թագավոր Մուրսիլ I-ի պարտականությունների մասին, ասվում է. «(Եթե) դու [տես]նես որևէ հանցագործություն կամ (եթե) որևէ մեկը աստծո դեմ կմեղանչի, ապա (բոլոր դեպքերում) դու հարցրու ժողովին»²⁰:

¹⁵ 2BoTU,58B, A. Goetze, *ևույնը*, IV, 31.

¹⁶ 2BoTU,58B, IV, 20—55.

¹⁷ В. В. Струве, История древнего Востока, Москва. 1941, էջ 250.

¹⁸ В. В. Иванов, Социальная организация индоевропейских племен, «Вестник истории мировой культуры», 1956, № 1, էջ 45.

¹⁹ В. В. Иванов, Происхождение и история хеттского термина Panku—«собрание», «Вестник древней истории» (ВДИ). 1957, № 4, էջ 20—30.

²⁰ В. В. Иванов, *ևույնը*, ВДИ, 1958, № 1, էջ 3.

ինչպես երևում է, *panku*-ի իրավունքները շատ մեծ էին, քանի որ թագավորը վճիռ արձակելիս միշտ պետք է հաշվի առներ խորհրդի կամ ժողովի կարծիքը: Պետք է ենթադրել, որ այսպիսի իրավունքներից էր օգտվում նաև հայաստական ավագանին, որ երկարատև անօգուտ պատերազմներից հետո հավանաբար Ազգի թագավոր Աննիյան զրկեց իր իշխանություններից: Սակայն 15-րդ դ. մ. թ. ա. խեթական *panku*-ն իր գործունեությամբ արդեն անհամատեղելի էր դարձել ուժեղ իշխանություն և ինքնուրույնություն ձևաբերած խեթական թագավորների գործունեության հետ և ցրվեց:

Ճիշտ չէ այն կարծիքը, որ խեթական արձանագրություններում հիշատակվող «Հայաստյի մարդիկ» ասելով պետք է հասկանալ ողջ հայաստական ժողովրդին, որ ցեղային միության բոլոր հարցերը վճռվում էին ժողովրդի կողմից²¹:

Ուսումնասիրվող ժամանակաշրջանում ցեղային ավագանին ամբողջովին անջատվել էր ցեղի նախկին իրավահավասար անդամներից և իրականացնում էր աճող, ավելի ունևոր, խոշոր տնտեսություն ունեցող անհատների պահանջները:

Առանձնակի հետաքրքրություն է ներկայացնում այն հարցը, թե իրավական ի՞նչ վիճակում էին գտնվում խեթական աղբյուրներում հաճախակի հիշատակվող Հայաստ-Ազգի, Ալշե և Իսուվա երկրները փախած ստրուկները, ինչպես և Հայաստ տարված խեթական զերիները:

Այս երկրներում ապաստան գտած ստրուկները ազատվում էին իրավական նախկին վիճակից և որպես զինվորներ տեղաբնիկների հետ միասին մասնակցում էին արշավանքներին²²: խեթական աղբյուրների թուուցիկ վկայությունները ցույց են տալիս, որ հայաստական ցեղային միության ներսում ստրկական աշխատանքը դեռևս լայն կիրառում չէր գտել:

խեթական հասարակարգին համեմատած հայասացիների մոտ գոյություն ունեցող սոցիալ-տնտեսական հարաբերությունների ավելի նախնական վիճակից էր բխում այն, որ Սուպիլուլիուման իր տարեգրություններում հայասացիներին համարում է բարբարոսներ²³: խեթական թագավորությունից փախած ստրուկների, ինչպես և զերիների զգալի մասը հավանաբար ամրացվում էր հողին և նրանց մշակությանն էին թողնում հողակտորներ, անհրաժեշտ շահով պետությանը կամ տիրոջը եկամտի զգալի մասը հատկացնելու պայմանով: խեթական թագավորները հաճախակի էին դիմում Հայաստյի և Իսուվայի թագավորներին՝ փախած ստրուկներին ու զերիներին ետ վերադարձնելու համար, սակայն միշտ էլ մերժում էին ստանում:

Իր մի նամակում, ուղղված Ազգի թագավոր Աննիյան, Մուրսիլ II-ը գրում է. «...Դու եկար և արշավեցիր Դանկուվա երկրի վրա, կողոպտեցիր այն, աշխատող մարդկանց, եզներ, և ոչխարներ ավար վերցրեցիր ու տարար Հայաստ երկիրը...»:

Պատասխան նամակում Աննիյան գրում է. «Ինչ վերաբերում է նրանքի մասին ինձ գրում ես, չեմ կարող այն ստրուկներին (զերիներին—Լ. Բ.),

²¹ Г. А. Меликишвили, Наир-Урарту, Тбилиси, 1954, էջ 87:

²² 2BoTU, 48, III, § 34.

²³ В. Нрозы, Histoire de l'Asie Antérieure, Paris, 1947, էջ 201.

²⁴ 2BoTU, 56R, A. Goetze, սույն տեղում, § 33, IV, 8—17.

որոնք այստեղ ինձ մոտ են եկել, քեզ վերադարձնել, շնայած դու նրանց պահանջում ես...»²⁵:

Ոչ բոլոր գերիներն էին, որ ստրուկների էին վերածվում: Նրանց մի մասն, անկասկած, օգտագործվում էր երպես ստրուկներ և գտնվում էր ոչ միայն թագավորի կամ տաճարների, այլև ավագանու տրամադրության տակ: Մտնելով տերիտորիալ համայնքի մեջ, կամ գտնվելով խոշոռ ընտանիքների կազմում, գերին կամ փախած ստրուկը ստանալով անհրաժեշտ հողակտոր, աշխատում էր այն տնտեսության համար, որին պատկանում էր: Ստրուկի անմիջական տերը, երբ նա պետական ստրուկ չէր, հանդիսանում էր խոշոր ընտանիքի կամ համայնքի ավագը, որը միաժամանակ հավանաբար մտնում էր քաղաքի, երկրի ավագների խորհրդի կազմում:

Արժեքավոր է Սուպպիլուիումայի դաշնագրի այն հատվածը, երբ նա խուկկանայից պահանջում է խեթական ստրուկներին և գերիներին ետ վերադարձնել, միաժամանակ խորհուրդ տալիս, ասելով՝ «Ով որ խեթական գերիներին հանձնել չցանկանա և նրանց տեղը զաղտնի կպահի, բռնիք նրան ու ասա. «Ի՞նչու նրանց չես հանձնում»»²⁵: Կասկածից վեր է, որ գերիներին չէին ցանկանում ետ վերադարձնել այն ավագանիները, որոնց պատկանում էին այդ ստրուկները և նրանք էին, որ ճնշում էին գործադրում ցեղային միության առաջնորդի վրա, նրանից պահանջելով հրաժարվելու գերիներին հանձնելու մտքից և միշտ բացասական պատասխաններ տալու խեթական թագավորներին:

Հայաստական բանակը, որտեղ ընդգրկված էին նաև գերիները, ղգալի ու էր իրենից ներկայացնում, բավական է նշել, որ միայն մի ճակատամարտում Կաննուվարայի տակ Հայաստայի թագավորը մարտադաշտ էր հանել 10 հազար հետևակազոր և 700 մարտակառքեր²⁶:

Ողջ նյութի քննարկումը ցույց է տալիս, որ 15—14-րդ դդ. մ. թ. ա. Փոքր Հայքի ու Բարձր Հայքի շրջաններում կազմավորված Հայաստ-Ազգի ցեղային միության ներսում տեղի էին ունենում սոցիալ-տնտեսական լուրջ փոփոխություններ:

ա) Ցեղային միության զլուխ կանգնած առաջնորդը արդեն անջատվել էր նախկինում իրավահավասար ցեղախմբի մյուս անդամներից և խոշոր հարստություններ էր կուտակել:

բ) Հայաստ-Ազգիի ցեղային միության առաջնորդի կամ թագավորի իրավունքները ղեռն սահմանափակվում են ավագանու կողմից: Որն օժտված էր անսահմանափակ արտոնություններով և իրավունքներով: Ցեղային ավագանին կամ ավագների խորհրդին էր վերապահվում ցեղային միության առաջնորդի ընտրությունների անցկացումը, նրա իրավունքների և գործունեության վերահսկումը, իշխանազուրկ անելը և նոր թեկնածուի առաջադրումը:

գ) Ցեղային միության ներսում ղեռն չէր կիրառվում ստրկական աշխատանքը: Ռազմագերիները և Հայաստյում ապաստան գտած, հարևան երկրներից փախած ստրուկները ազատվում էին իրավական նախկին վիճակից: Նրանց մի մասը վերածվում էր դինվորների և տեղաբնիկների հետ միասին մասնակցում էր արշավանքներին, իսկ մյուս մասը ամրացվում էր հողին, պետությունը, տաճարներին կամ տիրոջը եկամտի զգալի մասը հատկացնելու պայմանով:

²⁵ J. Friedrich, նույն տեղում, § 34.

²⁶ 2BoTU, 58B.